

四二

478

景景醫話



丙辰七月上浣

景畧醫譜

名蕭 彝元 題



歲在癸丑懸壺滬瀆余君伯陶創立醫報索稿甚急操觚以應
名曰醫話聊資談助甲寅初春復入政界僅此五期積帙無幾
嗣復續記亦極寥寥而我友朋索抄日衆爰付梓民藉以贈人
本非專門自維謏陋就正有道匡予不逮幸甚盼甚古吳晉笙
陸錦燧誌

姪培勳
男培治 全校字

此書不售
鳳皇街陸宅
閱者請向
南布政司
政明姓張
小街住址
函致蘇州
容堂可也

景賢醫話

吳郡陸晉笙錦燧誌

腸癰

族姪欽文。號佩珊。其高祖自蘇遷常。惕身叔名爾昭之孫也。赴日本游學返。見余曰。赴東入普通學校一年。方畢業。患腸癰。入醫院。東醫曰。是不難。剖而去之可也。不旬日。已平復。詫以爲神。遂卽以東醫爲師。在千葉縣專門醫學校習業。又二年。學成。今得畢業憑而返。余詳問其狀。亦甚驚異。嗣赴常赴寧。忽聞其又驟赴日本。未知何事。不一月。得其家中書來。謂舊病復發。不能自療。急至日本。求其師醫治。師仍曰。是不難。剖而去之可也。迺不料一剖而後。溘然未醒。不知何以昔者效而今不效。余默思其故。前者之效。氣血未衰。愈後失調。元未復而病根仍在。後者之不效。氣血已衰。是以遽殞耳。乃知。猶是病也。而體之虛實。不可以不辨。混同治之。可乎哉。

急勞

江建霞名標。余至好也。一夕筵次。聞其咳嗽。余曰。君咳不暢。有外邪閉塞肺經。宜服

開洩藥。江曰。有西醫勸服止嗽藥水。擬卽服之矣。余曰。西藥余未詳其性。但顧名思義。恐是剗劑。古云傷風不醒便成勞。似不宜服。渠意不謂然。江與余省試。先後出仕。瑤庭先生門。時汪任長邑。其明日爲師母壽誕。約祝壽再見。至明日。江不至。晚筵時。瑤師云。江僕來。言建霞病不來矣。以爲小恙。未之省視。又匝月餘。聞噩耗。爲之駭然。不意筵次一別。遂成永訣。後晤其兄霄緯云。病重時曾至曹君智涵處診治。曹極言病險。建霞猶不爲然。曹告其家人曰。尺脉弱甚。腎虧已極。余細思之。此猶是邪。留於肺。肺病。金不生。水爲止。嗽藥水強止其嗽之害。蓋腎陰素虧者。肺熱液涸。腎無來源。往往不起。勞瘵中有七日之急癆。半由於此。人皆以爲日甚短。不疑其爲勞耳。

走馬牙疳

余友范某。其岳走方醫也。有草研爛。以少許貼山根。取泡挑破。治走馬牙疳極效。范識其草。到處皆有。而不知其名。余曾囑其覓來。植諸盆。不久卽萎。繼余姪女患是病。兄來索此草。無以應。但以意會之。囑其用喉科中異功散少許。和蒜搗爛。亦於山根

取泡果效。記得張舜欽傳方用斑蝥麝香白胡椒調薄荷油貼兩太陽取泡治頭痛如刀劈者亦此意也。病之經絡不同則貼之穴道亦異。以此類推當再可以治他病之宜拔毒外散者。

西法化驗

見某報紙載有人患恙鄰予以單方藥兩味係大辛大溫發汗散氣者服後卽殞。某告諸公庭命西醫取藥化驗皆無毒。余按凡病之不在表者及表分素虛者皆忌表病之不在裏者及在裏而不實者皆忌下。故麻黃細辛大黃芒硝並足以殺人卽和平之品苟不對症亦足以輕病變重重病致死。取諸藥以化驗豈必有毒乎。

倒視

民立報載美國阿倭吾亞市有少年各柏魯迭拉其官能之奇異映於眼者順皆爲逆如下樓梯則目爲上而墜落者屢矣。馬車從右來則目爲左而衝仆者又屢矣。就診於紐約專門醫希蒙博士據云係因視神經有異狀之故。竊者名醫顧案載呂滄

洲案。視物皆倒植。謂爲倒。其胆府陳吉老案。視正物皆斜。斜者反正。謂爲閃倒。肝之一葉搭於肺上。又某方書云。見棹椅等平者反側。側者反正者。此胸膈有伏痰也。魏玉橫駁陳案。謂肝去肺位甚遠。安能上搭。余謂目系內連肝胆。此就瘀滯。胆絡治用胆星。半夏。絲瓜。蔓。赤。芍。等。常不致悞。錢仲陽用郁李治目張不得瞑。此藥潤而散結。亦可移治。至孫真人謂風入腦。則視一物爲兩。李東垣謂食辛熱物太甚。辛主散熱助火。上乘於腦。則視物無的實。以小爲大。以短爲長。張子和謂痰熱病。則目視壁上皆是紅蓮花。與上症雖稍異。而皆可互參。惟視一爲兩。視小爲大。痰症有之。虛症亦多。精散故也。須於脉證詳辨之。

痧穢宜噫 過飽宜吐

吳尙先理瀹駢文略言云。上用噫。自註。噫卽吐也。在上宜噫。感邪從口鼻入。宜噫。按噫法與吐法異。凡六淫之氣從鼻入者。宜用噫。就其受病之處驅而出之。故五六月暑濕時令所感。氣兼穢濁。發爲痧症。尙未入營分者。取噫卽愈。以其邪在清道也。是

卽經所謂天牝從來復得其往氣出于腦卽不干邪者是若飲食不慎或過飽而填息或感穢氣而與胃中之宿食痰飲爲伍上填胸膈則宜用吐吐必病本從口入亦就其受病之處驅而出之但噤法吐法俱治邪之在上焦者要不得云噤卽是吐也推之風寒之宜發汗風熱之宜涼表花柳症之宜通利精竅皆就其受病之處驅而出之斯卽病在上焦毋犯中下病在下焦毋犯上中之旨

痧症 鼠疫

又按痧症必有時行穢濁之氣夾雜而成亦瘟疫之類特其輕焉者耳至時行極盛互相傳染比戶皆然便是疫矣其病亦由表入裏由衛氣而入營血其初起自鼻入者固得噤卽愈其氣自口入者用葉天士炒香枇杷葉方飲之其自皮毛入者用刮最佳藥則芬芳逐穢爲主而視其兼症以成方若已深入營分則宜刺委中穴僅在氣分者不宜刺也昔游閩垣鼠疫盛行詳究其病由濕熱成毒深入血分壅塞經絡窒不能行隨所窒而結核明是熱病而用涼則更遏伏用溫則又助毒益劇惟急刺

委中穴出血。再用紅花川芎天仙藤等溫藥。以通絡。活血。即繼以犀角紫草丹皮鮮地絲瓜絡等涼藥。以通絡。涼血。兩方之進。相間。不過鐘許。庶幾有濟。否則初方。嫌性溫助熱矣。余曾用之有驗。

寒包暑熱

一方面溫涼藥並用。或先後分用。皆就其病以施治。非必用溫者。必不可用涼。用涼者。必不可用溫也。余前在湘省。襄某中丞幕。一日中丞出。中軍阮某隨行。時溽暑鬱蒸。比返。大雨驟寒。將進署。阮某衣履盡濕。忽墜馬昏倒。昇入。譖語喃喃。言有人揪之下。索博負。群以爲祟。余診之。脈沈分洪。數有力。而無汗。膚如灼。引被自蔽。猶惡寒。余曰。此連日之暑熱。爲一時之寒濕所束也。宜先辛溫。以發汗。俟表分之寒濕去。然後辛涼以解之。乃用羌活香薷蘇葉陳皮等。令其先服。又預開白虎湯。去粳米甘草。加西瓜翠皮藕豆衣。囑其煎就。曰。候脈浮汗多時。即接服之。果也。服初方後。汗出而多。非但不惡寒。且惡熱特甚。至裸體赤身。進第二方。逾時。汗歛熱退。神識清楚。晚膳時。

霍然矣。此等症候。日間受暑。晚間貪涼之輩。往往有之。治法亦無奇異。本不足記。因論鼠疫之宜先溫後涼。而連類及之。

久咳 風溫咳 風寒

醫苟能知其理。并知各物之性。則雖尋常各物。無在而非藥物也。曩者宰閩之安溪。其俗樸野。視官如神明。一日有執香而踵門者。吏曰。此其家有病人。而來求藥者也。不必問其何病。亦不必定是藥物。隨意與以食物。習俗如是。彷彿如求仙方然。其愚真可嗤。余姑訊何病。則曰久咳。喜飲。因思久咳則無庸開泄。適席間有梨。予以二枚。囑其煎服而愈。以熟梨能潤肺燥也。又進京。在船遇一友。患咳不暢。友曰。登舟纔咳。苦於有醫而無藥。余曰。是不難。診之。脈浮數。舌薄黃。症屬風溫。因囑其取包南貨之乾箬葉。煎一大盂。服之而咳暢。以是物辛涼泄肺也。又一次夏令晉京。遇一新學家。嫌艙中人多氣熱。另臥艙面。謂可得空氣。天明時發熱惡寒無汗。困憊甚。茶房扶之下。與余同一艙。詢其欲服藥否。渠曰。奈船中無藥何。余曰。是不難。症屬風寒。因囑

其取勃蘭地一大杯。和以薄荷酒一小杯。溫而服之。蓋被取汗。亦應手而愈。以兩酒合服。辛溫發表也。此三事近於游戲。均無足述。拉雜書之。聊助談資云爾。

二便不通

顧緝庭先生。引余爲忘年交。詩酒往還。過從甚密。自卸招商局事後。僑居吳鄉之木。質鎮。蹤跡稍稀。然偶來城。必晤面。見其行步蹇遲。語言錯亂。知其老衰矣。閱一年歲首。聞其病二便不通。臥則小便。又自遺。少腹有癥塊。心嘈雜。饑欲食。食至又不欲食。醫用通利二便之劑。不應。余曰。攷金匱真言論云。北方黑氣入通于腎。開竅於二陰。趙獻可醫貫云。腎氣虛則大小便難。宜以地黃菟蓉車前子茯苓之屬補其陰。利水道。少佐辛藥。開腠理。致津液而潤其燥。又難經云。腎之積名曰賁豚。發於少腹。上至心下。若豚狀。或上或下無時。又經脈篇云。腎足少陰之脈是動。則病饑不欲食。又玉機真臟論云。冬脈不及。則令人心懸如病饑。張注謂腎爲生氣之原。不及則心腎水火之氣不能交濟。張潔古活法機要云。壯人無積。虛人則有之。若遽以磨堅破結之

藥治。疾去而人已衰。故治積當先養正。今病大小便不通。少腹有瘕塊。非腎病。而何。腎氣虛。則滯。故有瘕塊。滯而下。墜。阻塞。隧道。故小便不通。臥下。氣升。則阻塞。爲開。故小便又自遺。時時欲食者。不關乎胃。乃心腎不交所致。所謂心懸如病。饑非真饑也。治宜補腎氣。以交心。佐以散滯。升墜之品。擬用坎離丹先服。以交其心。腎續用遠志。茯苓。蓮子。沙苑子。肉蓯蓉。巴戟。天。枸杞子。枳殼。升麻。地黃丸等。方交郵局寄鄉。不及服而已殞。此方應否不可知。姑誌於此。以俟高明之評臨。

神昏識語

葉天士曰。溫邪上受。首先犯肺。逆傳心胞。又云。舌色純絳鮮澤者。胞絡受邪也。平素心虛有痰。外熱一陷。裏絡卽閉。非菖蒲鬱金等所能開。須用牛黃丸至寶丹之類。以開其閉。恐其昏厥爲瘕也。吳鞠通云。太陰溫病。汗出過多者。必神昏識語。清宮湯主之。牛黃丸紫雪丹局方至寶丹亦主之。又云。溫毒神昏識語者。先與安宮牛黃丸紫雪丹之屬。繼以清宮湯。又云。手厥陰暑溫。身熱不惡寒。清神不了了。時時識語者。安

宮牛黃丸主之。紫雪丹亦主之。又云。夜寐不安。煩渴舌赤。時有譫語。暑入手厥陰也。清宮湯主之。舌白滑者不可與也。王孟英說亦大略相同。於是後之醫家。因陋就簡。据此數書。遂以爲道盡於斯。一遇神昏譫語。爲葉吳輩印定眼目。便以爲治溫熱病。在手經而不在足經。一若人身果分兩截。漠然不相關者。於是羣以爲心包絡病矣。詎知其不專屬心包絡乎。王晉三云。病起頭痛。而後神昏不語者。此肝虛魂升於頂。當用龍骨牡蠣救逆以降之。非至寶丹等所能甦也。此則神昏屬諸肝。李東垣云。熱入血室。晝則明了。夜則譫語。夫血室者。肝藏也。既曰晝則明了。夜必不明了。可知不明了。卽神昏之謂。此則神昏亦屬諸肝。但王說魂升於頂之神昏。乃肝虛。李說熱入血室之神昏。乃肝實。此則有異。內經熱論云。陽明者。十二經脈之海。其氣血盛。故不知人。金匱中風篇云。邪入於府。卽不識人。趙以德注。謂胃爲六府總司。諸府經絡受邪。必歸於胃。胃熱甚。津液壅滯。結爲痰涎。閉塞隧道。堵其神氣出入之竅。故不識人。徐忠可註。謂將頸兩人迎脈。按住其氣。卽壅遏不識人。人迎者。胃脈也。夫所謂不知。

人不識人者非卽神昏而何此則神昏又屬諸胃。裴兆期醫談曰人謂神昏之病原於心。心清神乃清。余謂神昏之病原於胃。胃清神乃清。胃氣一有不清卽不能無神歸舍。是神之昏不昏專在乎胃之清不清。不觀酒醉之人乎。酒醉之人醉胃不醒心也。何以神昏而言語無倫也。不觀飽食填息之人乎。飽食之人飽胃不飽心也。何以神昏而一時瞽亂也。不觀痰涎壅塞之人乎。痰塞之人塞胃不塞心也。何以神昏而暝眩無知也。以上諸說豈醫者未之見耶。抑以爲不足信耶。他書姑勿論。至內經金匱而未之見不復信。則何必爲醫。然近人亦非無知之者。余伯陶云。陽明之火蒸騰入腦。神卽昏矣。則神經之昏明明是神經受熱。究其神經之所以熱仍由陽明而來。卽經所謂悍氣上衝頭也。余氏說與徐忠可說當互參。蓋人迎胃脈由胃過頸後入腦。悍氣卽循此脉上衝。然則臚攷諸說神昏屬胃者多。屬肝者亦有之。安得專屬諸心。包絡哉。再論識語。內經厥論云。陽明之厥妄見而妄言。張仲景云。三陽合病腹滿身重口不仁而面垢。識語遺尿。白虎湯主之。雖曰三陽合病而六腑之邪盡歸於胃。

此則譏語屬諸胃。仲景又云：陽明病，其人多汗，以津液外出，胃中燥，大便必鞭，鞭則譏語。小承氣湯主之。又云：陽明病，譏語，有潮熱，反不能食，胃中必有燥矢，宜大承氣湯下之。此則譏語亦屬諸胃，惟內經論厥而妄言，統胃經胃府言之。仲聖論用白虎湯者，屬胃經之熱，用大小承氣湯者，屬胃府之實。此則有辨，而其譏語屬胃則一也。故崔尚書云：胃有燥糞，令人錯語。邪熱盛，亦令人錯語。若秘而錯語者，宜承氣湯通而錯語者，宜黃連解毒湯。錯語，語言錯亂之謂。與譏語義同。是崔說亦分胃經以論治。然亦有不屬胃者。內經厥論云：厥陰厥逆，譏語。張隱庵註：謂肝主語。譏語者，肝氣鬱也。傷寒論中譏語，千金方俱作譫語。可見二字音義並同。王肯堂云：下血譫語，頭汗出者，熱入血室也。葉天士云：熱陷血室，與陽明胃實多有譫語如狂之象。當辨之。血結者，身體必重，非若陽明之輕旋便捷。此則譏語又屬諸肝。然則臚攷諸說，譏語亦屬胃者多，屬肝者間有之。安得專屬諸心包絡哉？余上年治城內和尚浜馬姓兒，病神昏譫語，當時以伊父亦知醫理，與之辯論後，開方而未列案。卽就肝胃兩

經用藥爲羚羊角石決明陳胆星枳實汁鮮竹瀝生瓜蔓打元明粉等寥寥數味。乃諸醫見之。羣譁爲非。因補一案曰。病交十二日矣。初起發熱咳嗽。或有外感。辛以散之。理原不謬。但辛熱以治風寒。辛涼以治風熱。已自有別。以辛溫治風熱。以致肝動。木火已屬醫家之用藥不細。三四日間。案中有左脇痛。嘔吐。環脣青。等候脇屬肝之部分。脣屬脾胃部分。青乃肝色。全屬肝邪犯胃。見症此時。何猶因其咳嗽未止而純用肺家開泄藥耶。內僅一方加用鈎藤。是肝藥矣。然鈎藤雖清肝熱。而息肝風爲主。肝熱而不至熱極生風者。與夫肺表外感風熱者。早用之反足以引動內風。醫家曾知之否。此時之咳嗽未止。已屬木火刑金。所以愈開泄而愈劇也。洎乎木火熾盛。燥胃液而成痰。復挾痰以上蒙。遂致神昏譫語。理當援仲景胃熱之例。兼涼肝降痰以清之。以其又大便久不通。滿腹脹痛拒按轉矢氣也。當兼參仲景胃實之例以下之。何諸醫於辛散泄肺而後一變而卽用清宮湯至寶丹耶。前者失諸不及。後者失諸太過。其爲誅伐無過則一也。余方不用白虎承氣。而另撰一方者。以其病不獨在胃。

而肝邪特甚。故用仲聖之法。而不用仲聖之藥。師其意不以襲其方也。質諸高明。以爲然否。

按前期寒包暑熱條。阮某譫語。卽屬胃熱。如誤用牛黃丸。至寶丹等。領邪入內。必然不救。並無繞臍痛按之有物轉矢氣等候。倘用承氣亦不救。胃熱之中。又有兩法。其不兼濕者。則用白虎湯。其兼濕邪者。則用三黃石膏湯。黃連解毒湯。以苦能燥濕也。上則醫學報袁桂生劄記。與予說同。余君伯陶之論神昏屬陽明。袁君桂生之論神昏譫語。不可祇用清宮湯紫雪丹至寶丹。可見世固不乏高明之士。殆所謂鐵中錚錚。庸中佼佼者歟。

用藥分量

用藥分量之輕重。鄙意當視其病以爲準。初不能執定某藥必重用。某藥必輕用。卽古方流傳。其分量固已酌定。仍必賴用之者增損其間。乃合病機。不獨藥品之宜加減也。所謂君臣佐使。卽別之於分量。故同一方也。有見此證。則以此藥爲君。見他證